



VISCHNAUNCA DA SCHLUEIN

Uorden da sepultura e santeri

Approbaus entras la radunonza communal dils 22 da zercladur 2016

Entrada en vigor: 22-06-2016

Cuntegn uorden da sepultura e santeri

		Pagina
	Organisaziun, menaschi e survigilanza	4
art. 1	Survigilanza ed execuziun	4
2	Pensums	4
	Uorden da sepultura	4
3	Metter el vischi	4
4	Transport da baras	4
5	Dretg da sepultura	5
6	Lubientscha da sepultura	5
7	Metter en bara	5
8	Preparaziun da sepultura	5
9	Taxas da sepultura	5
10	Tuchiez	5
11	Possess	6
	Uorden da santeri	6
12	Register da fossas	6
13	Partiziun dallas fossas	6
14	Grondezia dallas fossas ed urnas	6
	Profunditads	6
15	Satrada	6
16	Temps da ruaus	7
17	Exhumaziun	7
18	Revocaziun da fossas	7
19	Allontanaziun	7
20	Qualitad dils vischals ed urnas	7
21	Monuments da fossas	8
22	Ornaments fossa comunabla	8
23	Manteniment	8

24	Schurmetg dil santeri	8
25	Manteniment da craps-fossa	9
26	Temps da tschentada	9
27	Determinaziuns penalas	9
28	Abrogaziun da determinaziuns cuntradictorias	9
29	Entrada en vigur	10

UORDEN DA SEPULTURA E SANTERI

Sebasond sin art. 12 alinea 2 dalla lescha cantunala partenent la sanadad publica dil Grischun, approbau dalla radunonza communal da Schluein ils 22 da zercladur 2016.

Organisaziun, menaschi e survigilanza

art. 1

Survigilanza ed execuziun La survigilanza digl uorden da sepultura e santeri ei incumbensa dalla suprastonza communal. Ella ei responsabla per l'execuziun digl uorden da sepultura e santeri.

art. 2

Penums La suprastonza communal ha principalmein ils suandonts pensums:

- a) disposiziun dallas ordinaziuns per il diever e manteniment dil santeri;
- b) survigilar ch'igl uorden da cavar fossas e d'ereger monuments/cruschs vegni risguardaus;
- c) dar lubientscha d'allontanar fossa suenter ch'il temps da ruaus ei spiraus;
- d) dar lubientschas excepziunalas per la sepultura dad jasters;
- e) la nominaziun e survigilanza dil persunal necessari pil santeri;
- f) la controlla dil register da fossas.

Uorden da sepultura

art. 3

Metter el vischi ¹ In defunct astga vegnir mess el vischi suenter ch'in miedi cun practica en Svizra ha constatau officialmein la mort.

² Per il metter en vischi baras contagiusas ein las prescripziuns federalas decisivas.

art. 4

Transport da baras Il transport da baras ei caussa dalla parentella. Las prescripziuns specialas da confederaziun e cantun restan resalvadas (sclariment dat il gerau communal per fatgs da santeri).

art. 5

- Dretg da sepultura
- ¹ Tuttas burgheisas e tuts burgheis da Schluein, tuts domiciliai a Schluein, tut quels ch'ein morts e la bara silsunter anflada sin territori dalla vischnaunca da Schluein, vegnan satrai sil santeri public.
- ² A negin astga vegnir snagau ina sepultura undreivla sil santeri public.
- ³ Sin giavisch dil defunct ni da sia parentela sa la sepultura, cun lubientscha dalla suprastanza communal d'ina outra vischnaunca, haver liug en lez santeri.

art. 6

- Lubientscha da sepultura
- Persunas senza domicil a Schluein ch'ein buca mortas ni anfladas mortas en vischnaunca, astgan vegnir satradas a Schluein mo cun lubientscha speciala dalla suprastanza communal.

art. 7

- Metter en bara
- ¹ La caplutta da morts stat a disposiziun gratuitamein per metter en bara.
- ² Il temps da metter en bara en caplutta da morts munta per regla 3 dis. Urnas astgan star pli ditg en caplutta da morts.

art. 8

- Preparaziun da sepultura
- Il gerau communal per fatgs da santeri ordeina la preparaziun dalla fossa e pren las disposiziuns necessarias en cass specials sco per exempel tier baras anfladas senza vegnentsuenter.

art. 9

- Taxas da sepultura
- Las taxas per la sepultura serefereschon sil regulativ da taxas tier igl uorden da sepultura e santeri, relaschus dalla suprastanza communal.

art. 10

- Tuchiez
- A caschun dalla sepultura vegn tucchau culs zenns tenor isonza locala.

art. 11

Possess Il santeri entuorn la baselgia da Sogn Pieder e Sogn Paul ei en possess dalla vischnaunca politica da Schluein.

Uorden da santeri

art. 12

Register da fossas Partenenent l'occupaziun dil santeri meina la canzlia communal in plan, en il qual vegn registrau num, prenum sco era ils onns da naschienscha e da mort dils satrai. Quei register da fossas vegn controllaus dalla suprastonza communal.

art. 13

Partiziun
dallas fossas ¹ La partiziun dallas fossas sedrezza tenor il plan da santeri, il qual vegn tschentaus si dalla suprastonza communal.

² Las sutterradas vegnan fatgas en retscha successiva.

³ Las fossas ein repartidas en:

- a) fossas per carschi ed affons sur 7 onns;
- b) fossas per affons sut 7 onns;
- c) fossas per urnas;
- d) fossa comunabla mo per urnas.

art. 14

Grondezia dallas
fossas ed urnas La distanza denter las singulas fossas (grondas e dad urnas) munta sil pli pauc 30 cm.

Profunditads Las profunditads minimalas dallas fossas muntan:

- a) per carschi ed affons sur 7 onn 1.50 m
- b) per affons sut 7 onns 1.20 m
- c) per urnas 0.80 m
- d) per la fossa comunabla 0.80 m

art. 15

Satrada Mintga vischi e mintga urna ein en general da satrar en ina fossa separada. Sin special giavisch sa la suprastonza - tochen 10 onns suenter il mortori - schar satrar in'urna en ina

fossa existenta cun excepziun dalla fossa communabla. La fossa vegn en quei cass denton sliada cura ch'ella ei en retscha e buca tenor il temps da ruaus dall'urna. En fossa communabla vegn mintga urna satrada en ina fossa separada.

art. 16

Temps da ruaus Il temps da ruaus per tuttas fossas ei 20 onns. Tier fossas che vegnan aviartas suenter il temps da ruaus, vegn l'ossa ed eventualmein l'urna satradas da niev en pietad.

art. 17

Exhumaziun L'exhumaziun d'ina bara avon la spirada dil temps da ruaus ei scumandada. Per excepziuns ei il departement da giustia e sanitad cumpetents.

art. 18

Revocaziun da fossas Aschilunsch che la suprastonza communal ordeina ina revocaziun d'ina part dil santeri suenter il temps da ruaus da 20 onns, sto ella annunziar quei publicamein silmeins 6 meins avon il termin d'allontanar ed era orientar ils vegnentsuenter.

art. 19

Allontanaziun ¹ Succeda l'allontanaziun buca enteifer il termin fixau, succeda ella sin incarica dalla suprastonza communal cun adossar ils cuosts als descendents.
² Sur da monuments e cruschs-fossa che vegnan buca allontanai, dispona la suprastonza communal.

art. 20

Qualitad dils vischals ed urnas ¹ Per la sutterrada eis ei da far diever da vischals ord specia da lenn lom.
² Ei la bara supplementarmein tier il vischi aunc envelupada en metal ni plastica, sto ei vegnir procurau en moda dueivla per sufficienta adducziun d'aria tier la bara.
³ Per urnas eis ei da far diever da talas ord specia da lenn lom ni auter material che sesligia.

art. 21

Monuments da fossas

- ¹ Per ils monuments da fossa astga vegnir fatg diever mo da fier e crap.
- ² En l'altezia astgan ils monuments da fossa buca survargar 1.40 m la surfatscha dalla tiara, en la ladezia buca 70 cm.
- ³ Las plattas da crap per la fossa comunabla vegnan per regla engravadas unificadas cun num, prenum, datum da naschientscha e datum dalla mort. Sin giavisch sa la platta era mo vegnir engravada cun igl onn dalla mort ed in segn.

art. 22

Ornaments fossa comunabla

- ¹ Suenten ina sepultura en fossa comunabla astgan vegnir deponidas fluras, candeilas ed autras decoraziuns mo ils emprems treis meins. Suenten quei temps allontaneschan ils responsabels ils ornaments.
- ² Per la tgira d'in ornament floreal dalla fossa comunabla procura la vischnaunca.

art. 23

Manteniment

- ¹ Tgi ch'ei en possess da fossas e monuments da fossas ei obligaus da mantener quei en bien stan. Tier negligientscha dil duer da manteniment ordeina la suprastonza communal igl endrizzament cun adossar ils cuosts als pertuccai.
- ² Il plantar plontas e caglias sin las fossas ei scumandau.
- ³ Il manteniment digl ulteriur territori dil santeri ei caussa dalla vischnaunca.
- ⁴ Mintga privat ha da zerclar era entuorn la fossa.
- ⁵ La vischnaunca metta plinavon a disposiziun sacs da rumien per deponer fluras da matgs e zerclem. Il dismetter rumians ord novas plontaziuns etc. ei denton buca lubiu.

art. 24

Schurmetg dil santeri

- ¹ Mintgin ha il dretg d'entrar en santeri.
- ² Igl ei en special scumandau:
 - a) canera e sedepurtar disturbont sigl intschess dil santeri;

- b) far donn e tschuffernar las fossas sco era igl ulteriur intschess dil santeri;
- c) semnar ed allontanar plontas senza dretg;
- d) da prender animals (tgauns etc.) en santeri.

art. 25

Manteniment
da craps-fossa

Monuments e cruschs-fossa da valeta artistica ni historica, ni tals che valan per atgnadads specialas dil santeri, ein sutta-mess al schurmetg special dalla vischnaunca. Els astgan buca vegnir allontanai ni midai senza conclus dalla suprastonza communal. La canzlia communal meina in register special da quels objects.

art. 26

Temps
da tschentada

Craps-fossa astgan vegnir tschentai pér 12 meins suenter la satrada. Il terren astga ni esser bletschs ni schelaus. Tenor lur grondezia ston els vegnir fundai bein ed en uorden.

Determinaziuns finalas e penalas

art. 27

Determinaziuns
penalas

¹ Cuntravenziuns a quei uorden vegnan punidas conform allas cumpetenzas dalla suprastonza communal.

² L'execuziun dall'ordinaziun sin donn e cuost dil caschunader sco era la remessa al derschader penal restan resalvadas.

³ La procedura sedrezza tenor las prescripziuns cantunalas dalla procedura penala avon las autoritads administrativas.

art. 28

Abrogaziun da
determinaziuns
cuntradictorias

Cun l'entrada en vigur da quei uorden vegnan tuts conclus da vischnaunca ch'ei cuntradictoris a quei uorden, abrogai.

art. 29

Entrada en vigur Quei uorden passa en vigur cun l'approbaziun dalla radunonza communal.

Il president communal:

Il scarvon communal:

Bruno Wellinger

Marco Tschuor